



UNIVERSITÄTS-
BIBLIOTHEK
PADERBORN

Universitätsbibliothek Paderborn

Examen Theologiæ Moralis

Moure, Antonio Fernandes de

Coloniæ Agrippinæ

Cap. 11. De suspensione quid sit?

urn:nbn:de:hbz:466:1-40934

num. 233. pro hac opinione facit, quia in delictis, rati-
 brio mandato æquiparatur. Reg. ratihibitionem de reg.
 iuris in 6. fauet etiam cap. si quis de sentent. excommuni. in 6.
 Debet autem esse eius nomine factum, tempore quo
 ipse posset idem facere, vt notat Panorm. cap. i. de conuer-
 sionibus. seio oppositum docere Tolet. lib. i. cap. 81. Hostien.
 Archid. Tabien Armil. Couarr. quos refert, motus est
 principio, quia non inducenda est irregularitas, quæ ex-
 presse non habeatur in iure, vt habetur cap. Is qui, de sen-
 tent. excommuni. in 6. sed non audeo Doctorum communem
 refragari. Alter modus contrahendi irregularitatem est
 omisso, nempe, quando aliquis non liberat à morte eum
 quem poterat auxiliando liberare. Quoniam tamen res
 est obscura, & valde controuersa, latius in ea immor-
 bor. Quando igitur non liberatio, aut non prohibitio
 vim habet auxiliij, aut consensus apud occidentem, tunc
 qui non liberat, aut non prohibet, est irregularis, quia in
 eo casu est auxilium, aut consensum præstare, casus est
 in cap. Petrus de homicid. Quando etiam non liberatio est
 illicita, & contra iustitiam (tunc autem talis est, quando
 quis ex officio, aut mercede tenebatur liberare) est irre-
 gularis, & homicida non liberans. Dixi (contra iustitiam)
 quia non liberatio contra solam charitatem non facit ir-
 regularem. Longiorem hac de re disputationem, legitur
 apud Toletum. lib. i. cap. 82.

CAPVT XI.

Quid est suspensio. §. 1.

- 1 Quid est suspensio.
- 2 Certa regula in hac materia.
- 3 Quis potest suspendere.
- 4 Quis potest suspendi.
- 5 Propter quid potest ferri suspensio.
- 6 Quod peccatum punitur suspensione.

7 An requiratur contumacia.

6 De forma ferenda suspensionis.

9 De effectibus suspensionis.

10 De Absolutione à suspensione.

11 An clericus publicè concubinaris sit ipso iure sus-
sensus.

1 **Q**UÆSTIO. Quid est suspensio? **R**ESP. Est Ecclesiastica
censura, privans vsu Ecclesiastici officij, aut bene-
ficij. Pro officio intelligo tam ordinis, quam iuris-
dictionis. Pro beneficio intelligo, tam, beneficia cura-
ta, quam simplicia, atque etiam dignitates, & canoni-
catus.

2 **Q**UÆST. Suntne in hac materia aliquot certa regula?
RESP. Maxime. Prima sit, suspensus ab ordine, non ob
id est suspensus de iurisdictione, neque è contra, quia
hæc sunt inuicem distincta, & vnum ab altero non pen-
det. *capit. Aqua. de consecrat. Eccles.* Aperte hoc decernitur
in Episcopo suspenso à Pontificalibus, quæ quidem tan-
tummodo pertinent ad officium ordinis. *cap. transmissa-
de elect. probat Gemina. in capit. 1. §. officiales. numer. 3. de
offic. ordin. libr. 6.* notat Panormitan. *capit. Cum dilectus. de
consuetud.*

Secunda regula. Suspenfus ab ordine maiori, non ob
id est suspensus a minori. V. g. suspensus ab officio sacer-
dotij, non est suspensus ab officio diaconatus. E contra
vero, suspensus ab officio minoris, manet suspensus ab
officio maioris. ita Hostiens. *ca. dilectus filius. de tempor. or-
din. & Tolet. lib. 1. cap. 43.* cum communi.

Tertia regula. Suspenfus simpliciter ab officio intelli-
gitur tam ordinis, quam iurisdictionis. Ita Gloss. *cap. Cum
dilectus de consuet.* Ibi Panormit. *num. 19.* Felyn. *ca. Aposto-
lica num. 16. de exceptionib.* Tolet. *proxime cum communi,*
contra Gloss. *Can. audiuimus. 24. qua. 1.*

Quarta regula. Suspenfus ab administratione Eccle-
siæ, vel beneficij tam in temporalibus, quam in spiritu-
alibus, non ob id est suspensus ab ordine. Ita Tolet. *libr.
ca. cit. proxime num. 12.* cum Syluest. & Abbate.

Quinta regula. Suspenfus simpliciter, non apposto

C c 5

ab of-

ab officio, vel beneficio, intelligitur suspendi ab omnibus, Ita Sylu. *verb. suspensio* §. 5.

3 QVÆST. *Quis potest suspendere?* R E S P. Omnis ille qui potest excommunicare, potest suspendere, ita Doctores communiter, vt notat Sylu. *suspensio* §. 2. Ang. *suspensio* 2. §. 3. Tolet. *lib. 1. cap. 44. num. 1.*

4 QVÆST. *Quis potest suspendi?* R E S P. Sola persona Ecclesiastica. Ratio est manifesta ex definitione suspensionis. Nota tamen, quod Episcopus non incurrit suspensionem a iure, nisi de eo specialis fiat mentio, vt habetur *ca. periculosus de sent. excomm. & ibi Gloss.*

5 QVÆST. *Propter quid ferri potest suspensio?* R E S P. Propter peccatum, neque absque illo quis suspendi potest. *ca. satis peruersum d. 56.*

6 QVÆST. *Quale debet esse huiusmodi peccatum?* R E S P. Qualis fertur suspensio: itaq; si suspensio est leuis, etiam pro peccato veniali ferri potest. ita Caiet. *verb. susp.* Nauar. *ca. 27. num. 19.* Tolet. *lib. 1. ca. 44.*

7 QVÆST. *Requiriturne contumacia ad suspensionem, sicut requiritur ad excommunicationem?* R E S P. Minime. Sed imponi potest in pœnam præteriti peccati. Ita Inno. *cap. peruenit. num. 3. de excess. Præla. Abb. in ca. reprehensibilis num. 4. de appell.*

8 QVÆST. *Qua est forma suspensionis?* R E S P. Nulla sunt determinata verba in forma suspensionis obseruanda, sed quæuis suspensionem exprimentia sufficiunt, vt suspendo te, &c.

9 QVÆST. *Qui sunt effectus suspensionis?* R E S P. Plurimi. In primis suspensus exercens id à quo est suspensus, peccat *capit. 2. de mai. & obed.* Deinde suspensus ab ordine, exercens actum talis ordinis manet irregularis. *cap. cum atern. de sentent. & re iudic. in 6. capit. 1. de sentent. excommunic. libr. 6.* & ita omnes Doctores *ibidem.* Dixi, suspensus ab ordine, quia qui suspensus est ab officio prædicationis, licet inobediens prædicationem exercens peccet, & eo ipso sit excommunicatus, Clem. *cupientes §. quibus. circa finem. de poenitent. & ibi Ancharan. numer. 10.* non fit tamen irregularis, vt notat Calder. Clem. *cupientes citat.* Angel. *verb. suspensio. 3. §. 8.* Quæ doctrina intelligenda est, nisi prædicet solemniter, & ex officio; *rupc. ca. 11.*

enim prædicando sit irregularis, ut vult Nauar. *in summ. capit. 27 numer. 163*. Tertio. Suspendus ab officio, nec potest eligi, nec eligere in beneficium aliquod. *capit. Cum dilectus de consuetud. adiuncta Gloss.* nec potest excommunicare, nec conferre aliquod beneficium. *cap. Quia diuersitatem, de concessio. Prab. Quatenus*. Quarto. Suspendus a beneficio, iusta suspensione, non facit fructus beneficii, nisi ad modicam sustentationem, si est pauper: qua modica sustentatione etiam priuatur, si suspendus est ob contumaciam, ut notat Abb. *cap. Apostolica numer. 7. & ibi Felyn. nu. 9. de excep. Couar. verb. resolut. li. 3. ca. 13*. Fiunt ergo huiusmodi fructus utilitati Ecclesie, ut notat Imola *cap. sicut, col. 3. de cohabit. cler. & mul.*

10 QVÆST. Quis potest absoluere à suspensione? R E S P. Absolutio suspensionis ab homine, pertinet ad eum, qui eam posuit, vel ad eius successorem, vel superiorem. Ita Boic. *cap. Clerici numer. 6. de cler. excomm. minist.* Angel. *suspensio. 4. §. 1. Sylue. ibi. §. 8*. Absolutio suspensionis a iure, à quo determinatum est tempus suspensionis, ante finitum tempus, pertinet ad iuris conditorem, vel ad superiorem, quamuis non sit aliunde reseruata. Ita Gloss. *capit. Cupientes. de elect. in 6. & Gloss. Clem. cupientes. de haret.* Si tamen suspensio est à iure, non assignante tempus, neque est reseruata, potest ab ea Episcopus absoluere. Ita Innocent. communiter receptus *in cap. 2. de solut. Felyn. cap. Ad si clerici §. de adulteriis, numer. 12. de iudic. & Nauar. in summ. cap. 27. numer. 162*. Quam doctrinam intellige, cum suspensio posita fuit ob contumaciam, vel etiam cum ob delictum, quodquod illud sit. Ita Panormitan. *Clem. 1. numer. 25. de haret. & ibi Gloss. Innocent. capit. 2. de solut. Sylu. suspensio. numer. 8. ex cap. Nuper. de sent. excom. verb. non renuit.*

11 QVÆST. Estne ipsa iure suspensus clericus notorius concubinaris? R E S P. Maxime. *cap. Quæsitum, de cohabit. cler. & mul.* Est autem notorius concubinaris, qui domi habet suæ concubinam, ut uxorem. Ita Abb. *cap. Vestra numer. 7. de cohabit. cler. & mul.* Hac tamen de re, de que alijs particularibus suspensionibus, late Tolet. *libr. 16. c. capit. 47. & 48.*